

**Мемлекеттік орман қоры учаскелерінде жануарлар дүниесін, соның ішінде аңшылық шаруашылығының қажеттері үшін пайдалану ережесін бекіту туралы**

*Күшін жойған*

Қазақстан Республикасы Үкіметінің 2003 жылғы 23 желтоқсандағы N 1303 қаулысы. Күші жойылды - Қазақстан Республикасы Үкіметінің 2016 жылғы 24 ақпандағы № 105 қаулысымен

Ескерту. Күші жойылды - ҚР Үкіметінің 24.02.2016 № 105 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

РҚАО-ның ескертпесі.

ҚР мемлекеттік басқару деңгейлері арасындағы өкілеттіктердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Ауыл шаруашылығы министрінің 2015 жылғы 6 қазандағы № 18-02/891 бұйрығын қараңыз.

Қазақстан Республикасының 2003 жылғы 8 шілдедегі Орман кодексінің 100-бабына сәйкес Қазақстан Республикасының Үкіметі қаулы етеді:

1. Қоса беріліп отырған Мемлекеттік орман қоры учаскелерінде жануарлар дүниесін, соның ішінде аңшылық шаруашылығының қажеттері үшін пайдалану ережесі бекітілсін.

2. Осы қаулы қол қойылған күнінен бастап күшіне енеді.

Қ а з а қ с т а н                      Р е с п у б л и к а с ы н ы ң

*Премьер-Министрі*

Қ а з а қ с т а н                      Р е с п у б л и к а с ы

Ү к і м е т і н і ң

2 0 0 3                      ж ы л ғ ы                      2 3                      ж е л т о қ с а н д а ғ ы

N              1 3 0 3                      қ а у л ы с ы м е н

бекітілген

**Мемлекеттік орман қоры учаскелерінде жануарлар дүниесін, соның ішінде аңшылық шаруашылығының қажеттері үшін пайдалану ережесі**

1. Осы Ереже Қазақстан Республикасының Орман кодексіне және "Жануарлар дүниесін қорғау, өсімін молайту және пайдалану туралы" Қазақстан Республикасының Заңына сәйкес әзірленді және мемлекеттік орман қоры

учаскелерінде жануарлар дүниесін, соның ішінде аңшылық шаруашылығының қажеттері үшін пайдалану тәртібін айқындайды.

2. Мемлекеттік орман қоры учаскелерінде жануарлар дүниесін пайдалану жалпы немесе арнайы табиғат пайдалану тәртібімен жүзеге асырылады.

3. Жалпы табиғат пайдалану тәртібімен мемлекеттік орман қоры учаскелерінде жануарлар дүниесін пайдалану жануарлар дүниесі объектілерін табиғи ортадан алмай-ақ ғылыми, мәдени-ағарту тәрбиелік және эстетикалық мақсаттарда жүзеге асырылады.

4. Арнайы табиғат пайдалану тәртібімен мемлекеттік орман қоры учаскелерінде жануарлар дүниесін пайдалану жануарлар дүниесі объектілерін табиғи тіршілік ортасынан белгіленген тәртіппен ғылыми және мәдени-ағарту мақсаттарында аң аулау кезінде, сондай-ақ жануарлар тіршілігінің пайдалы қасиеттері мен өнімдерін пайдалану үшін алу арқылы жүзеге асырылады.

5. Арнайы табиғат пайдалану тәртібімен жануарлар дүниесін пайдаланушыларға бекітіліп берілген мемлекеттік орман қоры учаскелерінде жануарлар дүниесін пайдалану жануарлар дүниесін қорғау, өсімін молайту және пайдалану саласындағы уәкілетті органның рұқсаты болған кезде мемлекеттік орман иеленуші мен орман пайдаланушы арасындағы шартқа сәйкес жүзеге асырылады.

6. Жануарлар дүниесін пайдаланушыларға бекітіліп берілмеген мемлекеттік орман қоры учаскелерінде жануарлар дүниесін пайдалану жануарлар дүниесін қорғау, өсімін молайту және пайдалану саласындағы уәкілетті орган беретін рұқсатқа сәйкес жүзеге асырылады.

7. Аң аулау объектілеріне жатпайтын жануарлар дүниесін шаруашылық мақсаттарда, сондай-ақ олардың тіршілігінің пайдалы қасиеттері мен өнімдерін пайдалану (тасталған мүйіздерді, мумие жинау, жабайы араларды, құмырсқаларды және басқаларды пайдалану) үшін мемлекеттік орман қорының учаскелері орман пайдаланушыға 1 жылға дейінгі қысқа мерзімге беріледі.

8. Мемлекеттік орман қоры учаскелерінде аң аулау объектілеріне жатпайтын жануарлар дүниесі объектілерін шаруашылық мақсаттарда пайдалануды жүзеге асыру үшін мемлекеттік орман иеленуші беретін орман билеті және жануарлар дүниесін қорғау, өсімін молайту және пайдалану саласындағы уәкілетті органның рұқсаты негіздеме болып табылады.

9. Мемлекеттік орман қоры учаскелерінде жануарлар дүниесін пайдалану жануарлар дүниесі мен орман ресурстарына нұқсан келтіру мүмкіндігіне жол бермейтін тәсілдермен жүзеге асырылуға тиіс.

10. Мемлекеттік орман қоры учаскелерінде жануарлар дүниесін пайдаланушыларға мынадай:

1) оларға орман пайдалану үшін бөлінген мемлекеттік орман қоры

учаскелерінде өрт қауіпсіздігі ережелерін сақтау өртке қарсы іс-шаралар жүргізу, ал орман өрті шыққан жағдайда оны сөндіруді қамтамасыз ету;

2) орман пайдалану үшін бөлінген мемлекеттік орман қоры учаскелерінде орманды заңсыз кесуге және Қазақстан Республикасы орман заңнамасының, Қазақстан Республикасының жануарлар дүниесін қорғау, өсімін молайту және пайдалану заңнамасының өзге де бұзушылықтарына жол бермеу;

3) мемлекеттік орман иеленушілерге оларға орман пайдалану үшін бөлінген мемлекеттік орман қоры учаскелерінде орман зиянкестері мен ауруларының пайда болғаны туралы хабарлау;

4) мемлекеттік орман қоры учаскелерінде ұзақ мерзімді орман пайдалану шартында, рұқсаттама құжаттарда белгіленген шарттарды орындау;

5) мемлекеттік орман қоры учаскесін 10 жылға және одан да астам ұзақ мерзімді пайдалануға бекітіп беру туралы мемлекеттік орман иеленуші мен орман пайдаланушы арасындағы шартқа қол қойылғаннан кейін 2 жылдан аспайтын мерзімде мемлекеттік экологиялық сараптамадан өткен ішкі шаруашылық аңшылықты жоспарлау жобасын мемлекеттік орман иеленушіге беру ;

б) орман шаруашылығы саласындағы, сондай-ақ жануарлар дүниесін қорғау, өсімін молайту және пайдалану саласындағы уәкілетті мемлекеттік органдарға жануарлар дүниесін пайдаланушыларға ұзақ мерзімді пайдалануға бекітіліп берілген мемлекеттік орман қоры учаскелерінде Қазақстан Республикасының заңнамасында белгіленген тәртіппен жануарлар дүниесінің мемлекеттік есебін, жануарлар дүниесінің кадастрын, мемлекеттік орман мониторингін және жануарлар дүниесінің мониторингін жүргізу үшін қажетті ақпаратты беру т а л а п т а р ы қ о й ы л а д ы .

11. Мемлекеттік орман қоры учаскелерінде жануарлар дүниесін пайдалану ақысы Қазақстан Республикасының салық заңнамасында белгіленген тәртіппен айқындалады.